

Das ganze Team wünscht

* Frohe Weihnachten

im Dezämber zweituusigundfoifezwänzg

Liebi Bauherre/Inne, liebi Chunde/Inne,
sehr geehrti Dame und Herre

De Lauf vo de Zit

Schliichend chunnt er, no niemert hets realisiert,
wien er vo hüt uf morn eusi Täg diktiert.

3, 2, 1 und jede weiss,
das Jahr isch glii Gschicht und s'Ändi in Sicht.
De Countdown lauft de fiesi Hund,
unermüedlich zählt er Stund um Stund.

No vor es paar Wuche het keine a ihn dänkt,
geschweige denn, ihm Ufmerksamkeit gschänkt.
Schwupp, simmer zmitzt drinninn,
sich degäge z'wehre het kei Sinn.
"S'Wiehnachtsässe isch wenn?" eis vo de erschte Zeiche,
wo eus alli ufs Neue laht erbleiche.

Uf einisch isch de Herbscht i voller Fahrt
und überrumplet eus uf sini Art.
Rot, bruun, gäl werded Blätter, was für e Pracht,
bsunders a Tage, wo d'Sunne lacht.
Es git au settigi wos rägnet und stürmt
und sich de Blätterhuufe vor de Garage türmt.

Chürbis schmücket de Strosserand,
Mandarinli erobered euses Land.
Wiehnachtsdörfli laded zum verwiile ii,
sich mit Fründe z'träffe und eifach ächli sii.
Öb Cherze güüsse, es Raclette gnüüsse,
nach em chrampfe e Brotwurscht mampfe,
en Glühwii schlürfe oder en Tee mit "honey"
dezue es Säckli heissi Marroni.
Und de, wo natüürli am meischte tuet glänze
isch de Chlaus mit sine Grittibänze 😊

Isch doch "das crazy", was de Herbscht so alles büüted
bevor denn d'Wiehnachtsglogge lüüted!

Schön, döfed mer Sie zu eusne Chunde zelle!

Ihri siegfried bau ag

